

Komisija za izbor

asistenta za oblast *savremeni bosanski, hrvatski i srpski jezik*

VIJEĆU

FILOZOFSKOG FAKULTETA UNIVERZITETA U SARAJEVU

I. Vijeće Filozofskog fakulteta Univerziteta u Sarajevu Odlukom br. 02-01/216 od 24. maja 2018. imenovalo je Komisiju za izbor asistenta za PODRUČJE (OBLAST): *HUMANISTIČKE NAUKE*, POLJE: *NAUKA O JEZIKU I KNJIŽEVNOSTI (FILOLOGIJA)*, GRANA: *BOSNIŠTIKA, KROATISTIKA, SRBISTIKA, BOSANSKI, HRVATSKI I SRPSKI JEZIK*, (OPĆI PREDMET: *Bosanski, Hrvatski, Srpski jezik 1 i 2* na odsjecima za anglistiku, germanistiku, orijentalnu filologiju, romanistiku, slavenske jezike i književnosti, filozofiju, historiju, historiju umjetnosti, arheologiju, komparativnu književnost i bibliotekarstvo, pedagogiju, psihologiju i sociologiju) na Odsjeku za bosanski, hrvatski i srpski jezik Filozofskog fakulteta Univerziteta u Sarajevu u sastavu:

1. dr. Amela Šehović, doktor lingvističkih nauka, vanredni profesor Filozofskog fakulteta u Sarajevu na oblasti *savremeni bosanski, hrvatski i srpski jezik*, predsjednik,
2. dr. Bernisa Puriš, doktor lingvističkih nauka, docent Filozofskog fakulteta u Sarajevu na oblasti *savremeni bosanski, hrvatski i srpski jezik*, član,
3. dr. Senahid Halilović, redovni profesor Filozofskog fakulteta u Sarajevu na predmetima: *Norma i kultura bosanskog, hrvatskog i srpskog jezika i Dijalektologija*, član.

II. Aktom Fakulteta br. 03-02/687 od 30. maja 2018. godine Komisija je obaviještena da se na konkurs objavljen na web-stranici Univerziteta u Sarajevu i Filozofskog fakulteta u Sarajevu, dana 12. 5. 2018. godine, sa izmjenama i dopunama 17. i 26. 5. 2018. godine, a zaključen dana 28. 5. 2018 godine prijavilo **5 (pet) kandidata: Šejla Hukara, MA**, magistar književnosti naroda Bosne i Hercegovine i bosanskoga, hrvatskoga i srpskoga jezika – nastavnički smjer, **Edina Vražalica, MA**, magistar bosanskoga, hrvatskoga i srpskoga jezika i književnosti naroda Bosne i Hercegovine – nastavnički smjer, **Belma Topalović, MA**,

magistar bosanskoga, hrvatskoga i srpskoga jezika i književnosti naroda Bosne i Hercegovine – nastavnički smjer, **Azra Ahmetpahić-Peljto, MA**, magistar bosanskoga, hrvatskoga i srpskoga jezika i književnosti naroda Bosne i Hercegovine – nastavnički smjer i **Anes Osmić, MA**, magistar književnosti naroda Bosne i Hercegovine i bosanskoga, hrvatskoga i srpskoga jezika – nastavnički smjer. Komisija je također obaviještena da je svih pet kandidata blagovremeno dostavilo svu traženu dokumentaciju.

Komisija je izvršila uvid u priloženu dokumentaciju svih pet kandidata i ustanovila sljedeće:

Kandidatkinja **Šejla Hukara** rođena je [REDACTED] godine. Dobitnica je posebnog priznanja Univerziteta u Sarajevu – *Srebrena značka* kao jedan od najboljih studenata prvog i drugog ciklusa studija Filozofskog fakulteta Univerziteta u Sarajevu, što dovoljno govori o njenoj posvećenosti nastavnim obavezama tokom studija. Međutim, Šejla Hukara je *magistar književnosti naroda Bosne i Hercegovine i bosanskoga, hrvatskoga i srpskoga jezika – nastavnički smjer*, a i pored mnogih zajedničkih predmeta na ova dva odsjeka orijentacija Odsjeka uvijek je bila da se na asistentska mjesta primaju svršeni studenti Odsjeka za bosanski, hrvatski i srpski jezik, zbog čega **Komisija navedenu kandidatkinju eliminira iz procedure za izbor.**

Kandidat **Anes Osmić** rođen je [REDACTED] godine. Dobitnik je posebnog priznanja Univerziteta u Sarajevu – *Srebrena značka* Univerziteta u Sarajevu kao jedan od najboljih studenata prvog i drugog ciklusa studija Filozofskog fakulteta Univerziteta u Sarajevu i posebnog priznanja Univerziteta u Sarajevu – *Srebrena značka* Univerziteta u Sarajevu kao jedan od najboljih studenata prvog ciklusa studija Filozofskog fakulteta Univerziteta u Sarajevu, što dovoljno govori o njegovoj posvećenosti nastavnim obavezama tokom studija. Međutim, Anes Osmić je *magistar književnosti naroda Bosne i Hercegovine i bosanskoga, hrvatskoga i srpskoga jezika – nastavnički smjer*, a i pored mnogih zajedničkih predmeta na ova dva odsjeka orijentacija Odsjeka uvijek je bila da se na asistentska mjesta primaju svršeni studenti Odsjeka za bosanski, hrvatski i srpski jezik, zbog čega **Komisija navedenog kandidata eliminira iz procedure za izbor.**

Napominjemo da je Anes Osmić jedini od prijavljenih kandidata trenutno zaposlen u jednoj osnovnoj školi, a trajanje ugovora o radu mu je ograničeno na period od 10. 4. 2018. do 30. 6. 2018. godine, što podrazumijeva da je u vrijeme raspisivanja konkursa bio zaposlen.

Kandidatkinja **Belma Topalović** rođena je [REDACTED] godine. Ona je magistar bosanskoga, hrvatskoga i srpskoga jezika i književnosti naroda Bosne i Hercegovine – nastavnički smjer, što podrazumijeva da zadovoljava prvi i najvažniji kriterij Odsjeka da je završila Odsjek za bosanski, hrvatski i srpski jezik kao glavnu studijsku grupu. Belma Topalović je u dokumentaciji navela i da je član porodice ratnog vojnog invalida, što ne može biti smatrano presudnim za njen potencijalni izbor u zvanje asistenta budući da od preostala tri kandidata koji su završili naš odsjek ona ima najniži prosjek na oba ciklusa studija – 7,44 na prvom ciklusu i 8,26 na drugom ciklusu. Osim toga, uzete su u obzir i njene ocjene iz predmeta Pravopis – devet (9) i Jezička kultura – osam (8), koji suštinski čine sadržaj predmeta iz kojeg bi izvodila nastavu na odsjecima Filozofskog fakulteta u Sarajevu, a koje su niže od ocjena najbolje kandidatkinje. Napominjemo i da je Belma Topalović najkraće na Birou za zapošljavanje – od 25. 1. 2018. godine. Sve navedeno opredijelilo nas je da **Komisija navedenu kandidatkinju eliminira iz procedure za izbor.**

Kandidatkinja **Edina Vražalica** rođena je [REDACTED] godine. Ona je magistar bosanskoga, hrvatskoga i srpskoga jezika i književnosti naroda Bosne i Hercegovine – nastavnički smjer, što podrazumijeva da zadovoljava prvi i najvažniji kriterij Odsjeka da je završila Odsjek za bosanski, hrvatski i srpski jezik kao glavnu studijsku grupu. Prosjek ocjena Edine Vražalice na prvom ciklusu studija je 8,10, a na drugom ciklusu 8,74, što je bolji uspjeh u poređenju s prethodnom kandidatkinjom, ali nije najbolji. Osim toga, njene ocjene iz predmeta Pravopis – osam (8) i Jezička kultura – osam (8), koji suštinski čine sadržaj predmeta iz kojeg bi izvodila nastavu na odsjecima Filozofskog fakulteta u Sarajevu, najniže su u poređenju sa druge dvije kandidatkinje. Sve navedeno opredijelilo nas je da **Komisija navedenu kandidatkinju eliminira iz procedure za izbor.**

U skladu sa svim navedenim činjenicama, Komisija ima čast podnijeti sljedeći

IZVJEŠTAJ

s prijedlogom za izbor

III. **Azra Ahmetspahić-Peljto** rođena je [REDACTED] godine u Sarajevu. Poslije Prve bošnjačke gimnazije u Sarajevu završila je 2014. trogodišnji studij na Odsjeku za bosanski, hrvatski i srpski jezik Filozofskog fakulteta u Sarajevu – prosječna ocjena 8,75, a potom se upisala na drugi stepen studija na istom odsjeku, koji je završila prosječnom ocjenom 9,61. Njen uspjeh u toku studija je najbolji u poređenju s preostale dvije kandidatkinje, naročito kada se uzme u obzir činjenica da je Azra Ahmetspahić-Peljto i Pravopis i Jezičku kulturu, predmete koji suštinski čine sadržaj predmeta iz kojeg bi izvodila nastavu na odsjecima Filozofskog fakulteta u Sarajevu, položila s ocjenom deset (10), čime samo potvrđuje status najbolje kandidatkinje. Uz prvi i najvažniji kriterij svršenog studija na Odsjeku za bosanski, hrvatski i srpski jezik, Azra Ahmetspahić-Peljto ispunjava i drugi suštinski kriterij, a to je da ima status nezaposlenog lica – na Birou za zapošljavanje ova je kandidatkinja od 17. 7. 2017. godine.

IV. Na kraju, sagledavši u cjelini biografiju Azre Ahmetspahić-Peljto, Komisija je jednoglasna u stavu da ona ispunjava sve i formalne i suštinske kriterije za izbor u zvanje asistenta za PODRUČJE (OBLAST): *HUMANISTIČKE NAUKE*, POLJE: *NAUKA O JEZIKU I KNJIŽEVNOSTI (FILOLOGIJA)*, GRANA: *BOSNIŠTIKA, KROATISTIKA, SRBISTIKA, BOSANSKI, HRVATSKI I SRPSKI JEZIK*, (OPĆI PREDMET: *Bosanski, Hrvatski, Srpski jezik 1 i 2* na odsjecima za anglistiku, germanistiku, orijentalnu filologiju, romanistiku, slavenske jezike i književnosti, filozofiju, historiju, historiju umjetnosti, arheologiju, komparativnu književnost i bibliotekarstvo, pedagogiju, psihologiju i sociologiju) na Odsjeku za bosanski, hrvatski i srpski jezik Filozofskog fakulteta Univerziteta u Sarajevu.

Komisija predlaže Vijeću Filozofskog fakulteta Univerziteta u Sarajevu da prihvati ocjene iznesene u ovom referatu i prijedlog za izbor, tj. da izabere Azru Ahmetspahić-Peljto u zvanje asistenta za PODRUČJE (OBLAST): *HUMANISTIČKE*

NAUKE, POLJE: NAUKA O JEZIKU I KNJIŽEVNOSTI (FILOLOGIJA), GRANA: BOSNISTIKA, KROATISTIKA, SRBISTIKA, BOSANSKI, HRVATSKI I SRPSKI JEZIK, (OPĆI PREDMET: Bosanski, Hrvatski, Srpski jezik 1 i 2 na odsjecima za anglistiku, germanistiku, orijentalnu filologiju, romanistiku, slavenske jezike i književnosti, filozofiju, historiju, historiju umjetnosti, arheologiju, komparativnu književnost i bibliotekarstvo, pedagogiju, psihologiju i sociologiju) na Odsjeku za bosanski, hrvatski i srpski jezik Filozofskog fakulteta Univerziteta u Sarajevu.

Sarajevo, 5. juna 2018. godine

Članovi Komisije:

1. Amela Šehović


(dr. Amela Šehović, predsjednik)

2. Bernisa Puriš

(dr. Bernisa Puriš, član)

3. Senahid Halilović

(dr. Senahid Halilović, član)



Mr. Taylor
1000 17th St
N